



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1202/10
Sarajevo, 30.4.2010. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 30.04/10			
Organizaciona jedinica	Rasprostranjenost	Redni broj	Broj prijema
01-50-1-15-21/10			

1405

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 120. sjednici održanoj 29.4.2010. godine, utvrdilo je Odgovor na zastupničko pitanje koje je postavila gđa. Nermina Zaimović-Uzunović, zastupnica u Zastupničkom domu Parlamentarne skupštine Bosne i Hercegovine.

U pritvku dostavljamo Odgovor uz molbu da isti uručite zastupnici.

S poštovanjem,



GENERALNI TAJNIK

Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-1202/10

Sarajevo, 29.4.2010. godine

Nermina Zaimović-Uzunović, poslanica u Predstavničkom domu Parlamentarne skupštine Bosne i Hercegovine, na 71. sjednici Predstavničkog doma održanoj 03. februara 2010. godine, postavila je sljedeće poslaničko pitanje:

"Šta je u domenu svojih nadležnosti uradilo Ministarstvo za vanjsku trgovinu i ekonomske odnose BiH u oblasti zaštite okoliša od zagađenja koje je rezultat rada preduzeća investitora na cijeloj teritoriji BiH? Primjer Arcelor Mittala i sličnih kompanija?"

Da li je i koje mehanizme Vijeće ministara BiH, odnosno ovo ministarstvo predvidjelo kao zaštitu od investitora koji dolaze u BiH sa prljavim tehnologijama?"

Na postavljeno poslaničko pitanje, Vijeće ministara Bosne i Hercegovine je na 120. sjednici održanoj 29. 4. 2010. godine, utvrdilo sljedeći

ODGOVOR

U skladu sa Zakonom o ministarstvima i drugim organima uprave Bosne i Hercegovine i njegovin članom 9. Ministarstvo vanjske trgovine i ekonomskih odnosa BiH je nadležno i za obavljanje poslova i zadataka iz nadležnosti BiH koji se odnose na definiranje politike, osnovnih principa, koordiniranje djelatnosti i usklađivanje planova entitetskih tijela vlasti i institucija na međunarodnom planu u području zaštite okoline.

U tom smislu, a u kontekstu međunarodnih aktivnosti, važno je napomenuti da, u skladu sa Ustavom BiH, *država Bosna i Hercegovina ima nadležnost da zaključuje, prihvata i ratificira međunarodne dokumente.*

Ratifikacija međunarodnih sporazuma (Kyoto Protokol Okvirne Konvencije Ujedinjenih Nacija o Klimatskim promjenama; Konvencija UNECE o pristupu informacijama, javno učešće u donošenju odluka i pristup pravosuđu po pitanju okoliša, Aarhus; Konvencija o zaštiti evropskih divljih vrsta i prirodnih staništa, Bern; Konvencija o međunarodnoj trgovini ugroženih vrsta flore i faune, CITES; Protokol iz Kartagene o biološkoj sigurnosti Konvencije UN o biološkoj raznolikosti), a što radi Vijeće ministara BiH u sklopu svojih nadležnosti, predstavlja uvođenje novih alata i instrumenata kojima se stvaraju uslovi za bolju i efikasniju zaštitu okoline u BiH. Ovi međunarodni akti koji moraju biti inkorporirani u domaće zakonodavstvo, a predstavljaju osnovu za izradu strateških dokumenata kao što su Prvi nacionalni izvještaj o klimatskim promjenama, Izvještaj o Biodiverzitetu, te drugi izvještaji koji tek trebaju biti izrađeni. Ipak, implementacija međunarodnih dokumenata se vrši i putem entitetskih ministarstava koja imaju svoju legislativu. Tako npr. na nivou oba entiteta, te distrikta Brčko BiH donesen je set okolinskih zakona i podzakonskih akata kojima se regulira izdavanje okolinskih dozvola za sve operatere u BiH, pa tako i za Arcelor Mittal. Podnošenjem zahtjeva za izdavanje okolinske dozvole se definišu svi tehničko-tehnološki parametri procesa i opreme koja se ugrađuje, a služi za zaštitu okoline. Ekspertskom procjenom se

donosi odluka o izdavanju okolinske dozvole, te se na taj način može i utvrditi stepen zaštite od investitora koji dolaze u BiH s prjavim tehnologijama.

Po pitanju Arcelor Mitala možemo kazati da je ta kompanija u pogledu izdavanja okolinskih dozvola u potpunoj nadležnosti Federalnog ministarstva okoliša i turizma obzirom da Ministarstvo vanjske trgovine i ekonomskih odnosa BiH, u skladu sa postojećom legislativom u BiH nije nadležno za predmetne aktivnosti.